

**AmAssurance**

## LAMPIRAN PEMBERITAHUAN PRODUK untuk Insurans Kemalangan Diri AmPro

**NOTA PENTING: Sila baca Lampiran Pemberitahuan Produk ini sebelum anda memutuskan untuk mengambil Polisi Insurans Kemalangan Diri AmPro. Pastikan anda juga membaca dengan terperinci terma-terma dan syarat-syarat amnya.**

**1. Apakah produk insurans ini?**

Produk ini akan membayar pampasan kepada anda untuk kecederaan tubuh badan yang disebabkan **kemalangan** menyebabkan hilang upaya pada diri anda atau memerlukan rawatan perubatan dan / atau pembedahan atau jika berlaku kematian, kepada waris yang telah dinamakan atau wakil peribadi anda yang sah.

**2. Apakah perlindungan / faedah yang diberikan?**

Produk ini meliputi:

<b>Manfaat 1</b>	Kematian Akibat Kemalangan
<b>Manfaat 2</b>	Hilang Upaya Kekal
<b>Manfaat 3</b>	Perbelanjaan Perubatan
<b>Manfaat 4</b>	Faedah Hospital a) Elaun Hospital b) Elaun rawatan susulan selepas keluar dari Hospital c) Elaun lawatan keluarga terdekat
<b>Manfaat 5</b>	Faedah Mingguan

Nota: Sila merujuk kepada skala manfaat bagi kematian dan hilang upaya di dalam contoh kontrak polisi.

Tempoh perlindungan ialah 1 tahun.

Perlindungan selama 24 jam. Had Wilayah adalah di seluruh dunia.

Anda perlu memperbaharui perlindungan insurans anda setiap tahun.

Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari [www.pidm.gov.my](http://www.pidm.gov.my)).

**3. Berapakah premium yang perlu saya bayar?**

Jumlah premium yang anda harus bayar mungkin berbeza-beza bergantung kepada berikut:

<u>Orang Yang Diinsuranskan</u>	<u>Jumlah Yang Diinsuranskan</u>	<u>Premium (RM)</u>
Anda	RM _____	RM _____
Jumlah premium yang harus anda bayar ialah		RM _____

**4. Apakah jenis yuran dan caj-caj yang perlu saya bayar?**

Yuran dan caj-caj yang anda perlu bayar ialah:

Jenis	Amaun
<b>Cukai Perkhidmatan</b>	Tertakluk kepada kadar semasa seperti yang dikenakan oleh Kerajaan Malaysia
<b>Duti Setem</b>	RM10.00
<b>Komisen ejen atau apabila melibatkan seorang pengantara</b>	25% daripada premium

**5. Apakah terma dan syarat utama yang perlu saya tahu?**

**Had Umur**

- 16 tahun hingga 65 tahun untuk pemegang polisi.
- Pemegang polisi yang berumur 16 tahun dan ke atas tetapi di bawah umur 18 tahun mesti mendapatkan kebenaran ibu bapa/penjaga sebelum membeli Polisi insurans ini.

**Liberty General Insurance Berhad** 197801007153 (44191-P)  
Formerly known as AmGeneral Insurance Berhad

Liberty Insurance Tower, CT9, Pavilion Damansara Heights, 3 Jalan Damanlela, Pusat Bandar Damansara, 50490 Kuala Lumpur.  
P.O. Box 11228, GPO Kuala Lumpur, 50740 Kuala Lumpur  
**Tel:** +603 2268 3333 **Website:** [www.amassurance.com.my](http://www.amassurance.com.my)  
(Service Tax Registration No.: B16-1808-31015443)

**Kepentingan membuat Pendedahan**

- MENURUT AKTA PERKHIDMATAN KEWANGAN 2013, Seksyen 129, Jadual 9, Perenggan 5: Adalah menjadi kewajipan pengguna untuk mengambil penajagaan munasabah untuk tidak membuat salah nyataan kepada penanggung insurans berlesen semasa menjawab apa-apa soalan yang diperlukan yang berkaitan dengan keputusan penanggung insurans samada untuk menerima atau tidak risiko dan kadar dan terma yang hendak dipakai.
- Jika terdapat sebarang perubahan di dalam profil hayat anda termasuklah pekerjaan dan matlamat peribadi, anda perlu memaklumkan kami serta-merta.

**Pampasan / Gantirugi**

- Kami akan membayar pampasan ke atas kematian atau kecederaan (Hilang Upaya Kekal) berdasarkan “Jadual Manfaat” yang dilampirkan bersama polisi. Walau bagaimanapun, untuk tuntutan seperti perbelanjaan perubatan, anda akan diberi pampasan melalui bayaran balik berdasarkan jumlah sebenar yang terlibat tertakluk kepada had yang ditetapkan di dalam polisi.

**Penamaan/ Pembahagian**

- Anda dinasihatkan untuk menamakan seorang waris dan memastikan yang pewaris tersebut menyedari tentang polisi yang telah anda beli.

**Tunai Sebelum Perlindungan**

- Adalah menjadi asas dan syarat mutlak khas insurans ini bahawa premium perlu dibayar dan diterima kami sebelum perlindungan bermula. Polisi insurans ini akan menjadi batal dan tidak sah secara serta-merta jika syarat ini tidak dipatuh.

Nota: Senarai ini tidak menyeluruh. Sila rujuk contoh kontrak polisi untuk terma dan syarat-syarat di bawah polisi ini.

**6. Apakah pengecualian utama di dalam polisi ini?**

Polisi ini tidak melindungi kematian atau kecederaan yang disebabkan oleh atau akibat daripada:

- Peperangan dan risiko bersekutu;
- Bunuh diri (sama ada waras atau tidak) atau sebarang percubaan sepertinya;
- AIDS;
- Ketika mengembara dalam kapal terbang atau kapal laut sebagai krew;
- Perlakuan jenayah;
- Sebarang jenis aktiviti sukan profesional;
- Kemalangan radioaktif dan kemalangan bahan senjata nuklear;
- Ancaman Keganasan;
- Kecacatan atau kelemahan fizikal, sebarang jenis sawan, sakit, atau sebarang jenis penyakit yang sedia ada;
- Ketika melakukan tugas aktif untuk mana-mana yang berikut:  
Pelumba, ahli sukan profesional, pekerja luar pesisir, pelaut, pembalok, anak kapal, nelayan, joki lumba kuda, penghibur profesional, pembuat/pengendali bahan letupan, kelasi, juruterbang dan pemandu ujian, pemungggah, penyelam profesional, ahli bomba, pekerja bawah tanah, ahli pasukan bersenjata, perkhidmatan atau operasi tentera laut atau udara, pasukan polis dan khidmat menyelamat.

**7. Bolehkah saya batalkan polisi ini dan apakah caranya untuk membatalkan?**

Anda boleh membatalkan polisi anda dengan memberikan notis bertulis kepada kami. Sebaik pembatalan, anda akan menerima pulangan bayaran premium berdasarkan kadar tempoh pendek\* selama mana tempoh polisi telah berkuatkuasa. Sebarang nilai premium minimum yang dibayar di bawah polisi ini tidak akan dipulangkan. Tiada premium akan dikembalikan jika terdapat tuntutan yang pernah dibuat di bawah polisi ini.

**\*Jadual Kadar Tempoh Pendek**

Tempoh tidak melebihi	Premium Tahunan Yang Dikembalikan
15 hari	90% (terpakai untuk pembaharuan sahaja)
1 bulan	80%
2 bulan	70%
3 bulan	60%
4 bulan	50%
5 bulan	40%
6 bulan	30%
7 bulan	25%
8 bulan	20%
9 bulan	15%
10 bulan	10%
11 bulan	5%
Tempoh melebihi 11 bulan	Tiada pulangan bayaran

**8. Apa yang perlu saya lakukan sekiranya ada perubahan kepada maklumat perhubungan/peribadi saya?**

Adalah penting untuk anda memaklumkan kepada kami sekiranya terdapat sebarang perubahan dalam maklumat perhubungan / profil kehidupan anda termasuk penamaan, pekerjaan dan kegiatan peribadi, yang mungkin mempengaruhi profil risiko anda.

**9. Di manakah boleh saya mendapatkan maklumat yang lebih lanjut?**

Sekiranya anda memerlukan maklumat lanjut mengenai insurans kemalangan diri, sila rujuk kepada risalah *insuranceinfo* mengenai 'Insurans Kemalangan Diri', yang boleh didapati di semua cawangan kami atau anda boleh mendapatkan senaskhah salinan daripada ejen insurans atau layari [www.insuranceinfo.com.my](http://www.insuranceinfo.com.my).

Sekiranya anda mempunyai sebarang pertanyaan, sila hubungi kami di:

**Liberty General Insurance Berhad**

Liberty Insurance Tower,  
CT9, Pavilion Damansara Heights,  
3, Jalan Damanlela  
Pusat Bandar Damansara,  
50490 Kuala Lumpur  
Talian Bebas : 1 800 88 6333  
E-mel : [customer@amassurance.com.my](mailto:customer@amassurance.com.my)  
Laman Web : [www.amassurance.com.my](http://www.amassurance.com.my)

**10. Lain-lain jenis Perlindungan Insurans serupa yang ada**

Sila rujuk cawangan kami yang berdekatan anda serta ejen-ejen untuk maklumat lanjut.

**NOTA PENTING:**

**ANDA DINASIHATKAN UNTUK MEMBERI PERHATIAN KEPADA SKALA FAEDAH UNTUK KEMATIAN DAN HILANG UPAYA DALAM POLISI INSURANS ANDA. ANDA MESTI MENAMAKAN PENAMA DAN PASTIKAN PENAMA ANDA TAHU TENTANG POLISI KEMALANGAN DIRI YANG TELAH ANDA BELI. ANDA PERLU MEMBACA DAN MEMAHAMI POLISI INSURANS INI DAN BERBINCANG DENGAN EJEN ATAU HUBUNGI SYARIKAT INSURANS UNTUK MAKLUMAT LANJUT.**

Liberty General Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Maklumat yang dibekalkan dalam lampiran pemberitahuan ini diterbitkan pada 01/03/2024 dan adalah sah sehingga semakan berkala yang berikutnya.